

石寶山小志

上

楊李詩詞嗣得朋
荔扉而後沁亭承
人材誰見奇於
石官味吾真淡似
僧欲記伽藍都破
敗且携榔栗遍
峻嶒不憂兒輩妨
行樂山志居然備
猷猷

瀚兒輯石寶山小
志喜其斐然有著
述之概因書
其端

介庵居士

石寶山小志

劍川趙宗瀚纂

山水篇

石寶山在劍川州西南自州城行二十五里而至山麓又二十五里而至山頂其山峯嶺重沓澗壑迴旋巖石駢羅殊形詭狀周圍約五十里許考南幹大龍自西藏岡底斯山迤邐東南行至麗江拉巴山過峽南行為怒關山又南行四十餘里又折而東行三十餘里起為麗劍交界之老君山分一支南行為金華山則劍山之鎮山自金華南行為鍾賢嶺又南行為

下科山又南行即石寶山也石寶分兩支盤互東下
為冥澗峭山至黑漁江破峽處而止南下為中山迴
嶺環之則皆近在石寶山封域之內又南行為瀾沙
井之東沙溪之西各山至乾海子而止則石寶之支
裔也其一水曰東溪源出石寶山之西麓西南流而
入工江又一水曰青龍溪源出山西南谷中沙溪人
鑿洞引而南流下溉沙坪各村田畝夏秋之交其溢
流循山澗東北合駝強江水至末坪入合黑漁江冬
春多涸此山水之形勢脈絡也至山巖之上石窪沮

漲不竭不溢者大小凡數處俗謂為龍湫皆可以靈
泉名獨一湫有庵故崇其號其石洞則海雲居東北
兩山盤互處下為深澗澗中一洞穹然深入天窗方
闊軒豁高敞可容數百人白石叢橫如鐘如鼓如古
佛奇鬼多蝙蝠昔人曾於此避兵破竈殘突間有存
者距此百餘步又一洞入洞數武中復岐為十餘洞
高下曲折游人此呼彼應聲若在瓮中然幽暗非炬
不能入莫由窮也而冥澗峭深谷中一洞門高且盈
丈中亦穹窿容數百人天窗圜啟停午見曦月水涓

涓自澗中流出再進則忽寬忽仄空洞紛岐相傳昔
有游者秉炬携壺循壁書千字文以入可達山陰覓
竇以出亦可仍循壺字以返否即迷惘俗呼牛魔王
洞則附會小說西游記也其古蹟則中山巖壁諸佛
菩薩造像殆出西域鬼工蒙詔兩石盃波斯人一像
亦稱精鑿至巖下循澗西入之石佛石獅石象石龍
石虎石牛石馬石鼓石鍾蛙曰聽經盆曰洗頭則與
山中水巖石如樓閣如園廡如城闕如橋梁皆天質
肖似倅形揣稱者也中山之西又二里峻巖特立上

印巨掌如箕傍有碑剝落如無字俗呼金鵝棲石不
解稱名之義海雲居後有盤石可坐十餘人名棋枰
石亦名自在石可手談可偃息固隨事取宜也其草
木鳥獸皆恒產習見不復覩縷而嘉木則松柏為多
黛色霜皮聳幹十尺杜文秀之亂營偽宮室宵小貢
媚斧戕牛挽談者尚有餘慨海雲居門前雙柏干霄
幸留其一與慈雲寺門前一株皆高出萬木遠揭標
幟亦山中之正直孤存宜為人愛惜者矣故特表而
出之此泉石洞府古蹟物產附於山水之大畧也若

夫伽藍之興廢緇羽之雄特金石之存佚藝文之紀
述緒頤必分辭繁不殺別為四類合成五篇以是為
數典無忘不賢識小云耳

石寶山小志

劍川趙宗瀚纂

伽藍篇 共十一所

石鐘寺

在中山石寶之南支也蒙詔細農羅游獵至此見巖
龕刻諸佛天王像甚偉恠瀕巖一巨石狀若覆鐘遂
建寺因以名之蓋當唐祖宗時其後述有修葺今漸
頽敝

寶相寺

在石寶山腹元時鶴慶路總管土千戶高賜游獵至

此遙見穹巖之下白毫光若炬而起趨視則一胡僧
趺坐巖下叩其所自曰吾西域諾巨羅自蜀之中崖
來游語訖忽失所在考釋典諾巨羅為五百尊者之
一賜因建寺榜以祝延至明初其孫土知府倫更莊
巖之置常住田飯僧清康熙丁卯燬於火住持僧性
殊募資重建乾隆中易今名違有修葺今漸頽廢

玉皇閣

在寶相寺迤北巖上明成化間麗江路安撫同知起
寶拓地倡捐僧俗合募所建違有修葺清同治中頽

地光緒中重修

寶岩居

在寶石山脊明嘉靖中麗江安撫司同知趙寶之子
恭孫暉出已財剏建並置常住田自葉榆輦大山茶
四株植於院落花時殷紅照天為山中諸刹所無俗
呼茶花寺永歷中居僧從寂定挈產徙併佛頂寺鼎
革之際趙姓不暇過問僧則得新忘舊敝屣視之棟
宇牆壁頽圯既盡茶樹亦盜伐無存僅餘故址尚可
辨認而已斯又寔定與錦衣所不及料者也

慈雲寺

在石竇山頂明永歷間錦衣衛都督指揮段暄出貲
延竇巖居住持僧竇定填石龍湫而建榜曰佛頂寺
竇定涇盤後暄為其母夫人置田資福並祀其父恭
節公於左院迺改榜慈雲寺則清康熙壬寅歲也寺
後閤貯鄧川劉石濤所建送大藏經全部同治中總
兵段瑞梅之妻楊氏登閤不潔既_下而閤旋燬段族爭
詬之楊出貲百金寺僧復添募建閤而藏經則已盡
付煨燼矣家君以光緒庚子來游於海雲居佛龕

後得南宋紹興中寫本大藏科儀殘卷四週已煨焦
而中幅幸完殆此炬所遺與固應說為山中法物也
寺中常住田段昶所置已豐又隱併寶巖居僧產故
最稱饒裕近廿年來段姓謂提歸為城中恭節公祠
堂經費寺久無僧一流氓棲止頽敝蕭索無復壯觀
矣

靈泉庵

在寶石山脅石窪靈泉之右清康熙初故明錦衣衛
都督指揮段昶建今已荒穢

海雲居

在石寶山麓清康熙辛酉游僧楚石自出已貲創建
復遣其弟子繼若托鉢勸募擅施四集鬱為名刹癸
未燬於火其徒心授復募化重修光緒中僧徒頗惰
無復負荷而寺產又提充學堂經費僧且舉裳言之
寺之頹敝與他刹等宣統二年州紳何立言訪問駝
強村梁居士占仙者長齋奉佛戒行堅苦招之使為
住持梁採山墾圃銖積黍累措拄補苴墻宇粗完香
燈鐘魚晨昏課誦復見開士家風若得擅施薄助須

之歲月或不難盡還舊觀也

近天庵

在海雲居後右上數武清康熙中明永歷丁酉舉人王化新之弟化熙建今已頽圯

海溪室

在近天庵後數武海雲居僧普聯退院後建為息靜佚老之地其弟子心授置有常住田今已頽圯

維摩院

在海雲居後左偏今已圯

雨花台

在寶相寺後高踞山巔俯瞰寺脊平台天成不事畚
築上覆石飛瀑濺沫故名